

AZALERA HANDIETAKO ETA ELIKADURA KATE HANDIETAKO MERKATARITZA INDIZEA. 2022KO MAIATZA


Euskal AEko azalera handietako eta elikadura-kate handietako salmentak % 0,1 gehitu dira 2022ko maiatzean

Aurreko hilabetearekin alderatuta ere, joera positiboa izan da (% 0,8)

Eustatek landutako datuen arabera, Euskal AEko merkataritza-azalera handietako eta elikadura-kate handietako salmentak % 0,1 igo dira 2022ko maiatzean, 2021eko hil beraren aldean, prezio konstanteetan eta lan-egutegiko baldintza homogeneotan.

2022ko apirilaren aldean ere, prezio konstanteetako salmenten bilakaera positiboa izan da: % 0,8ko igoera urtaro-eraginik gabeko terminoetan.

Euskal AEko azalera handi eta elikadura kate handietako merkataritzaren indizearen urte-arte aldakuntza-tasa. (%)



Iturria: Eustat. Merkataritza indizea azalera handietan eta elikadura kate handietan-AHEK

Elikagaien sektorearen eta gainerako produktuen sektorearen bilakaera ezberdina izan da urte arteko alderaketan. Hala, 2021eko maiatzaren aldean, elikagaien salmentak % 4,7 jaitsi dira, eta gainerako produktuenak % 10,7 igo, hori guztia termino konstanteetan.

Aurreko hilaren aldean ere, hau da, 2022ko apirilarekiko, bilakaera ezberdina izan da sektoreka: prezio konstanteetako salmentek % 1,5 egin dute behera gainerako produktuetan, eta elikagaien salmentek % 2,1 egin dute gora.

Euskal AEko azalera handietako eta elikadura kate handietako merkataritzaren indizea. Urte arteko eta hilabete arteko aldakuntza-tasak (p). Maiatza 2022

	Prezio finkoak		
	m / m-12	m / m-1	A (m) / A (m-12)
INDIZE OROKORRA lurralde historikoaren arabera			
Euskal AE	0,1	0,8	-1,1
Araba/Álava	-3,7	0,3	-2,8
Bizkaia	2,7	0,8	0,6
Gipuzkoa	-2,6	1,1	-3,2
INDIZE OROKORRA sektorearen arabera			
Janariak	-4,7	2,1	-6,1
Gainerako produktuak	10,7	-1,5	10,5
LANGILERIA-INDIZEA			
Euskal AE	0,0	-0,3	2,8

(p) Behinbehineko datuak

m / m-12 Urteen arteko aldakuntza. Egutegi eraginak zuzendutako datuak

m / m-1 Hilabeteen arteko aldakuntza. Datu desestacionalizatuak

A(m)/A(m-12) Urtarriletik hil korrientera arte metatutako aldiaren urte arteko aldakuntza-tasa, aurreko urteko aldi metatu beraren aldean

Data 2022ko Ekainaren 28a

Iturria: Eustat. Merkataritza indizea azalera handietan eta elikadura kate handietan (AHEK)

Azalera handietako eta elikadura-kate handietako salmentak % 3,7 jaitsi dira Araban eta % 2,6 Gipuzkoan, aurreko urtearen aldean; Bizkaian, berriz, % 2,7 igo dira. Aurreko hilabetearen aldean, joera goranzkoa izan da lurralde guztietan: Gipuzkoan % 1,1, Bizkaian % 0,8 eta Araban % 0,3.

2022ko lehenbiziko bost hilabeteetako metatua, Merkataritza-azalera handietako eta elikadura-kate handietako salmenta-indizearen atzerakada % 1,1ekoa izan da, elikaduran salmenta metatuak % 6,1 jaitsi direlako; izan ere, maiatzera arte metatutako salmentak % 10,5 igo dira gainerako produktuetan.

Lurraldeka, aurtengo aldakuntza metatua positiboa da Bizkaian, aurreko urteko aldi berean baino % 0,6 salmenta gehiago izan baitira. Araban eta Gipuzkoan, aldiz, urteko lehen bost hilabeteetako salmentak % 2,8 eta % 3,2 txikiagoak izan dira, hurrenez hurren.

Euskal AEko azalera handietako eta elikadura-kate handietako langileen kopurua ez da aldatu maiatzean, aurreko urteko hilabete beraren aldean (% 0,0). Aurreko hilarekiko, 2022ko apirilarekiko, enplegua % 0,3 jaitsi da.

INFORMAZIO OHARRA

Urte arteko aldakuntzak kalkulatzeko, egutegi-eraginik gabeko serie zuzenduak erabiltzen dira, eta hilabete arteko aldakuntzak kalkulatzeko, urtaro-eraginik gabeko serieak.

Eustatek eskerrak ematen dizkie Azalera handietako eta elikadura-kate handietako merkataritza-indizea egiten lagundu duten establezimendu guztiei. Haiei esker, 2022ko maiatzeko indizea **% 100,0ko estaldurarekin** kalkulatu da.

Informazio gehiagorako:

Eustat - Euskal Estatistika Erakundea / Instituto Vasco de Estadística

Donostia-San Sebastián kalea, 1 01010 Vitoria-Gasteiz

Prensa-zerbitzua: servicioprensa@eustat.eus Tlf: 945 01 75 62